

ხელშეკრულება №81
სახელმწიფო შესყიდვის შესახებ
გამარტივებული ელექტრონული
ტენდერის საშუალებით
CPV 50730000

წინამდებარე ხელშეკრულება დადებულია 2017 წლის „ 2 “ მაისს, ქ. თბილისში.

ერთის მხრივ, საქართველოს შინაგან საქმეთა სამინისტროს ქ. თბილისის პოლიციის დეპარტამენტი (შემდგომში – შემსყიდველი), წარმომადგენლის – საფინანსო-სამეურნეო უზრუნველყოფის სამმართველოს უფროსის ლაშა ერქომაიშვილის (საფუძველი: შსს ქ. თბილისის პოლიციის დეპარტამენტის დირექტორის 2016 წლის 20 იანვრის №138119 მინდობილობა) სახით და

მეორეს მხრივ, შპს „ჯეოონო“ (შემდგომში – მიმწოდებელი), დირექტორის ონისე საბიაშვილის სახით, ვადასტურებთ, რომ ჩვენს შორის მიღწეულ იქნა ურთიერთშეთანხმება შემდეგზე:

შემსყიდველმა ჩაატარა №SPA170005447 გამარტივებული ელექტრონული ტენდერი კონდიციების სისტემის (ჩილერი) შეკეთების მომსახურების სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე 14970.00 (თოთხმეტიათასცხრაასსამოცდაათი) ლარი, შემდგომში ხელშეკრულების ფასი. ხელშეკრულების ჯამური ღირებულება მოიცავს მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

1. **ხელშეკრულების შესყიდვის ობიექტი:** - ხელშეკრულების შესყიდვის ობიექტს წარმოადგენს კონდიციების სისტემის (ჩილერი) შეკეთების მომსახურება ხელშეკრულებაზე თანდართული ფასების ცხრილის შესაბამისად, რომლებიც წარმოადგენენ ხელშეკრულების განუყოფელ ნაწილს.

2. **დაფინანსების წყარო** - 2017 წლის სახელმწიფო ბიუჯეტი.

3. **გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვს შემდეგი მნიშვნელობა:

3.1 „ხელშეკრულება სახელმწიფო შესყიდვის შესახებ“ (შემდგომ ხელშეკრულება) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული;

3.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულ და ზედმიწევნით შესრულებისათვის;

3.3 „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას, რომელიც ახორციელებს შესყიდვას;

3.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და გააფორმა შემსყიდველთან ხელშეკრულება სახელმწიფო შესყიდვის შესახებ.

3.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

4. **ხელშეკრულების შესრულების კონტროლი**

4.1 შემსყიდველის უფლებამოსილ წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე.

4.2 ხელშეკრულების შესრულების კონტროლს (ინსპექტირებას) განახორციელებს შსს ქ.თბილისის პოლიციის დეპარტამენტის საფინანსო-სამეურნეო უზრუნველყოფის სამმართველოს სამეურნეო უზრუნველყოფის განყოფილების ქონების და მატერიალურ ფასეულობათა რესურსების მართვისა და ექსპლუატაციის ქვეგანყოფილების უფროსი თემური ზარნაძე.

4.3 ინსპექტირების განმახორციელებელი პირის ფუნქციებია: შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლი, ზედამხედველობის განხორციელება და მიღება-ჩაბარების აქტის გაფორმება.

4.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.5. კონტროლის შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით.

4.6. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ.

5. მომსახურების გაწევის ვადა და პირობები

5.1. მომსახურება გაწევის ვადა: ხელშეკრულების გაფორმებიდან 30 კალენდარული დღე.

5.2. მომსახურება გაწეული უნდა იყოს მაღალხარისხოვნად, აღნიშნულ სფეროში არსებული წესებისა და ნორმების დაცვით, წინააღმდეგ შემთხვევაში, მიმწოდებელი ვალდებულია თავად უზრუნველყოს გამოვლენილი ხარვეზის გამოსწორება, ზიანის სრული ანაზღაურება (არსებობის შემთხვევაში).

5.3. მიმწოდებელი ვალდებულია დაიცვას უსაფრთხო ექსპლუატაციის წესებით გათვალისწინებული ყველა მოთხოვნა.

5.4. მიმწოდებელი პასუხისმგებელია იმ უბედურ შემთხვევებზე, რომლებიც შეიძლება გამოწვეული იყოს უსაფრთხოების წესების უგულვებელყოფით.

6. შუამდგომლობის მიღება-ჩაბარების წესი

6.1. მომსახურება შესრულებულად ჩაითვლება ფაქტიურად გაწეული მომსახურებაზე მიღება-ჩაბარების აქტის და საქართველოს კანონმდებლობით დადგენილი შესაბამისი დოკუმენტაციის წარმოდგენის შემდეგ, ყველა დოკუმენტი ხელმოწერილი უნდა იყოს შემსყიდველისა და მიმწოდებლის მხრიდან გამოყოფილი უფლებამოსილი წარმომადგენლ(ებ)ის მიერ.

7. ანგარიშსწორება

7.1. ანგარიშსწორება მიმწოდებელთან განხორციელდება ლარში.

7.2. ანგარიშსწორების ფორმა უნაღდო. მიმწოდებლის საბანკო ანგარიშზე გადარიცხვით.

7.3. ანგარიშსწორება მიმწოდებელთან განხორციელდება ფაქტიურად გაწეულ მომსახურებაზე მიღება-ჩაბარების აქტის და საქართველოს კანონმდებლობით დადგენილი შესაბამისი დოკუმენტაციის წარმოდგენიდან 10 სამუშაო დღის განმავლობაში, ყველა დოკუმენტი ხელმოწერილი უნდა იყოს მხარეთა უფლებამოსილი წარმომადგენლ(ებ)ის მიერ.

8. ხარისხი და გარანტია

8.1. მიმწოდებელი პასუხისმგებელია გაწეული მომსახურების ხარისხზე, მათ შორის მთელი საგარანტიო ვადის განმავლობაში, რომელიც შეადგენს 6 (ექვსი) თვეს და აითვლება მხარეთა მიერ ფაქტიურად გაწეულ მომსახურებაზე მიღება-ჩაბარების აქტის ხელმოწერის დღიდან. საგარანტიო პერიოდში წარმოქმნილი დეფექტების აღმოფხვრას შეეკუთვნება ან შეცვლას ახლით საკუთარი სახსრებით უზრუნველყოფს მიმწოდებელი. საგარანტიო პერიოდში გამოვლენილი დეფექტების აღმოფხვრა ყოველი კონკრეტული დეფექტის გამოვლენისას უნდა განხორციელდეს გონივრულ ვადაში. ურთიერთშეთანხმების მიუღწევლობის შემთხვევაში გონივრულ ვადას განსაზღვრავს შემსყიდველი, რის შესახებაც მიმწოდებელს უნდა ეცნობოს წერილობით. დეფექტის აღმოფხვრის ვადის დარღვევის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 1%-ის ოდენობით.

9. ხელშეკრულების გადამინჯვა და ცვლილებების შეტანა

9.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით ან/და ზეპირად შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

9.3. წინამდებარე ხელშეკრულების ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული

შემთხვევებისა, „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება/დამატება უნდა გაფორმდეს წერილობით ხელშეკრულების დანართის სახით, რომელიც ხელმოწერილი იქნება მხარეთა უფლებამოსილი წარმომადგენლების მიერ და ჩაითვლება ხელშეკრულების განუყოფელ ნაწილად

10. ხელშეკრულების პირობების შეუსრულებლობა

10.1 ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

10.2 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს დააკისროს ჯარიმა ხელშეკრულების საერთო ღირებულების 5%-ის ოდენობით და შეწყვიტოს ხელშეკრულება.

10.3 შემსყიდველი უფლებამოსილია მიმწოდებლის მხრიდან მომსახურების გაწევის ვადის გადაცილების შემთხვევაში, მიმწოდებელს დააკისროს პირგასამტეხლო ყოველ ვადა გადაცილებულ დღეზე ხელშეკრულების საერთო ღირებულების 0.5 %-ის ოდენობით.

10.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან

10.5 ჯარიმის დაკისრების შემთხვევაში მიმწოდებელი ვალდებულია დაკისრებული ჯარიმა გადაიხადოს 15 სამუშაო დღის ვადაში და შემსყიდველს წარუდგინოს გადახდის დამადასტურებელი დოკუმენტი. განსაზღვრულ ვადაში ჯარიმის გადაუხდელობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება მე-13 მუხლის 13.2 პუნქტის შესაბამისად და გამოიყენოს მე-10 მუხლის 10.2 პუნქტით გათვალისწინებული ჯარიმა.

11. ფორს-მაჟორი

11.1 ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ვალდებულების შეუსრულებლობა არის ფორს-მაჟორული გარემოებების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომელთა გათვალისწინებაც შეუძლებელი იქნებოდა წინასწარ. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან

12. ხელშეკრულების მოქმედების ვადა

12.1 წინამდებარე ხელშეკრულება ძალაშია ხელშეკრულების გაფორმების თარიღიდან და მოქმედებს 2017 წლის 20 აგვისტოს ჩათვლით.

12.2 წინამდებარე ხელშეკრულების ის მუხლები, რომლებიც აწესრიგებს პირგასამტეხლოსთან დაკავშირებულ საკითხებს, მოქმედებენ მხარეთათვის განსაზღვრული შესაბამისი ვალდებულების სრულ შესრულებამდე.

13. ხელშეკრულების შეწყვეტა

13.1 ხელშეკრულების სრული ან მისი ცალკეული პირობის მოქმედების შეწყვეტა დასაშვებია მხარეთა წერილობითი შეთანხმებით.

13.2 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული

პირობის მოქმედების შეწყვეტის შესახებ თუ მიმწოდებელი ვერ უზრუნველყოფს (არ ასრულებს ან არაჯეროვნად ასრულებს) ხელშეკრულების პირობების შესრულებას და და შემსყიდველი უფლებამოსილია მიმწოდებლის მიმართ გამოიყენოს მე-10 მუხლის 10.2 პუნქტით გათვალისწინებული ჯარიმა.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 ხელშეკრულების შეწყვეტა არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

13.6 შემსყიდველი ხელშეკრულების სრული ან მისი ცალკეული პირობის შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

13.7 ამ მუხლის მე-13.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს წუნის გარეშე მიღებული ფაქტიურად გაწეული მომსახურების ღირებულება.

14. სხვა პირობები

14.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი ურთიერთმოლაპარაკების მეშვეობით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ. უთანხმოების მიუღწევლობის შემთხვევაში, მხარეებს დავის გადაწყვეტის მიზნით შეუძლიათ მიმართონ საქართველოს საერთო სასამართლოს.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 მიმწოდებელი პასუხს აგებს წინამდებარე ხელშეკრულების ფარგლებში საქართველოს კანონმდებლობით დადგენილი გადასახადების, მოსაკრებლის და სხვა გადასახადების გადახდაზე.

14.5 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.6 ხელშეკრულება შედგენილია ქართულ ენაზე, იდენტური შინაარსის 3 ეგზემპლიარად, რომელთაგან თითოეულს აქვს თანაბარი იურიდიული ძალა, ორი ეგზემპლიარი რჩება შემსყიდველთან, ერთი მიმწოდებელთან.

14.7 წინამდებარე ხელშეკრულების ნებისმიერი ცვლილება/დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და მხარეთა უფლებამოსილი წარმომადგენლების მიერ ხელმოწერილი.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი:

შსს ქ. თბილისის პოლიტიკის დეპარტამენტის
საფინანსო-სამეურნეო უზრუნველყოფის
სამმართველოს უფროსი
ლ. კერქომაიშვილი

მისამართი: ქ. თბილისი დიდშის მან. ქვე.
კ. ჩალაძის ქ. №1. ტელ. 241-42-74.
საიდენტიფიკაციო კოდი: 21369179.

მიმწოდებელი:


შპს „ჯეოონო“

დირექტორი

ო. საბიაშვილი

მისამართი: ქ. თბილისი დ. აღმაშენებლის 164
ტელ: 595 32 02 00
საბანკო რეკვიზიტები: ს/კ 416292185
ბ/კ BAGAGE22
ანგ № GE83BG0000000894947700
ს/ს „საქართველოს ბანკი“

გვ. №1



ფასების ცხრილი

№	შესყიდვის ობიექტის მომსახურების დასახელება	განზომილების ერთეული	რაოდენობა	ერთეულის ფასი (ლარი)	მთლიანი ფასი (ლარი)	მომსახურების გაწევის ვადა	საგარანტიო ვადა	მომსახურების გაწევის ადგილი (მისამართი)
კონდიციონერის სისტემის (სამაცივრო აგრეგატი „ჩილერი" MIDEA RC-2-2M290B-1-1 -ის, სიმძლავრით მინიმუმ 78 ამპ; მაქსიმუმ 193 ამპ. მწარმოებელი ქვეყანა ჩინეთი) შეკეთება								
1	ჩილერის დემონტაჟი და ჩამოტანა აშწეს მეშვეობით	ცალი	1	700.00	700.00	ხელშეკრულების გაფორმებიდან 30 კალენდალური დღე	6 თვე	შსს ქ. თბილისის პოლიციის დეპარტამენტის გლდან-ნაძალადევის სამმართველოს პოლიციის მე-2 განყოფილების ადმინისტრაციული შენობა (ქ.თბილისი ქ.ერყის ქ.№6)
2	ჩილერის ძრავის (40კვტ) დემონტაჟი აშწეს მეშვეობით და ტრანსპორტირება 8კმ. მანძილზე	ცალი	1	500.00	500.00			
3	ძრავის დაშლა-გადახვევა-აწყობა	ცალი	1	4800.00	4800.00			
4	ჩილერის ძრავის (40კვტ) მონტაჟი	ცალი	1	600.00	600.00			
5	სრული რევიზია (გაჟონვის წერტილების მონახვა, ჰერმეტიზაცია, სადებების შეცვლა და სხვა თანამდევ მომსახურება)	ჯერადი	1	400.00	400.00			
6	თბომცვლელის ქიმიური დამუშავება და გაწმენდა საკუთარი მასალებით	ჯერადი	1	300.00	300.00			
7	ფრეონის ფილტრი შეცვლით	ცალი	4	100.00	400.00			
8	ზეთის ფილტრი შეცვლით	ცალი	1	150.00	150.00			
9	ფრეონი R 22 შევსებით	კგ	30	70.00	2100.00			
10	ფრეონის ზეთი შეცვლით	ლიტრი	20	80.00	1600.00			
11	ელ. სქემის (ჩილერის ავტომატიკა) გასწორება	ჯერადი	1	1000.00	1000.00			
12	წყლის მანომეტრი შეცვლით	ცალი	2	70.00	140.00			
13	ფეთქებადი სარქველი დ=20 შეცვლით	ცალი	2	70.00	140.00			
14	ვანტუსი დ=20 შეცვლით	ცალი	2	70.00	140.00			
15	ელ. გადამწოდები შეცვლით, გაშვება-გამართვა	ცალი	2	250.00	500.00			
16	ჩილერის ატანა აშწეს მეშვეობით და მონტაჟი	ცალი	1	1000.00	1000.00			
17	სისტემის (ჩილერის) ექსპლუატაციაში გაშვება, ყველა ძირითადი პარამეტრების (გათბობა - გაგრილება და კომბინირებული) რეჟიმების შემოწმება-გამართვა	ცალი	1	500.00	500.00			
სულ ჯამი					14970.00			


შსს ქ. თბილისის პოლიციის დეპარტამენტის საფინანსო-სამეურნეო უზრუნველყოფის სამმართველოს უფროსი



ლ. ერქომაიშვილი

შპს „ჯეოლონ“
დირექტორი

ო. საბიაშვილი



ხელწერილი

ინტერესთა კონფლიქტის არარსებობის შესახებ

2 მაისი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის თანახმად, წინამდებარე ხელწერილზე ხელმოწერით ვადასტურებ, რომ არ ვიმყოფები ინტერესთა კონფლიქტში შპს „ჯეოონო“ - სთან.

შსს ქ. თბილისის პოლიციის დეპარტამენტის
საფინანსო-სამეურნეო უზრუნველყოფის სამმართველოს
სამეურნეო უზრუნველყოფის განყოფილების ქონების
და მატერიალურ ფასეულობათა რესურსების მართვისა
და ექსპლუატაციის ქ/განყოფილების უფროსი



თ. ზარნაძე